

Version latine n°2 : la matrone d'Éphèse

Il était une fois à Éphèse une femme réputée pour sa vertu ; lorsqu'elle perdit son mari, elle fut si inconsolable qu'elle le suivit dans son tombeau, où elle s'enferma avec une unique servante afin de s'y laisser mourir aux côtés du défunt. Un soldat, posté non loin de là pour surveiller des croix, afin que nul ne vînt détacher les corps des suppliciés, vit de la lumière dans le caveau et céda à la curiosité...

Descendit igitur in conditorium, uisaque pulcherrima muliere, primo quasi quodam monstro infernisque imaginibus turbatus substitit. Deinde ut et corpus iacentis conspexit et lacrimas considerauit faciemque unguibus sectam, ratus, scilicet id quod erat, desiderium extincti non posse feminam pati, attulit in monumentum cenulam suam, coepitque hortari lugentem ne perseueraret in dolore superuacuo, ac nihil profuturo gemitu pectus diduceret : omnium eumdem esse exitum et idem domicilium, et cetera quibus exulceratae mentes ad sanitatem reuocantur.

[...] Itaque mulier aliquot dierum abstinentia sicca passa est frangi pertinaciam suam, nec minus audie repleuit se cibo quam ancilla, quae prior uicta est. Ceterum scitis quid plerumque soleat temptare humanam satietatem. Quibus blanditiis impetraverat miles ut matrona uellet uiuere, iisdem etiam pudicitiam eius aggressus est. Nec deformis aut infacundus iuuensis castae uidebatur, conciliante gratiam ancilla ac subinde dicente : « Placitone etiam pugnabis amori ? »

Quid diutius moror ? Iacuerunt ergo una non tantum illa nocte, qua nuptias fecerunt, sed postero etiam ac tertio die, praeclusis uidelicet conditorii foribus, ut quisquis ex notis ignotisque ad monumentum uenisset, putasset expirasse super corpus uiri pudicissimam uxorem.

Ceterum delectatus miles et forma mulieris et secreto, quicquid boni per facultates poterat, coemebat et prima statim nocte in monumentum ferebat. Itaque unius cruciarii parentes ut uiderunt laxatam custodiam, detraxere nocte pendentem supremoque mandauerunt officio. At miles circumscrips dum desidet, ut postero die uidit unam sine cadauere crucem, ueritus supplicium, mulieri quid accidisset exponit : nec se expectaturum iudicis sententiam, sed gladio ius dicturum ignauiae sua. Commodaret ergo illa perituro locum, et fatale conditorium familiari ac uiro faceret. Mulier non minus misericors quam pudica : « Ne istud, inquit, dii sinant, ut eodem tempore duorum mihi carissimorum hominum duo funera spectem. Malo mortuum impendere quam uiuum occidere. » Secundum hanc orationem iubet ex arca corpus mariti sui tolli atque illi, quae uocabat, cruci affigi. Vsus est miles ingenio prudentissimae feminae, posteroque die populus miratus est qua ratione mortuus isset in crucem.

Pétrone